

四月六日出家せさせ給ふ、あはれにかなしきことに覺しまどふ、

〔百練抄四條〕長保二年、今年疫死甚盛、始自鎮西到京師、

〔權記〕長保二年六月廿日乙丑、去夕左馬權助親扶朝臣卒去、今月所卒去、民部大夫國幹、前因幡守孝

忠等也、近日疫癘漸以延蔓、此災年來連々無施、昔崇神天皇御宇、七年有疫、天下之人大半亡沒、于時

天皇知其祟、忽以解謝、治馭天下百餘年也、而今世路之人、皆云、代及儀末〇儀末恐未誤、災是理運也、予思

不然、聞最勝說、自以相叶、後漢末歲災異重疊、後代之史、當時之謠、以爲賞不當其功、罰不當其罪、又如

王法論、不治罰惡人、不親近善人者、禍胎災孽、何處轉之哉、彼濟陰釋鳳巴郡黃龍皆出、訛言多爲妖孽、

今年夏招後堂災、其後不幾、應天門壞、皆是怪異之極、有識者定應有所見、主上寬仁之君、天曆以後、好

文賢皇也、方機餘閑、只廻叡慮、所期澄清也、所庶幾者、漢文帝、唐太宗之舊跡也、今當斯時、災異蜂起、愚

暗之人、不知理運之災、堯水湯旱、難免忽迷、白日蒼天、雖訴無答者也、

〔帝王編年記十七條〕長保二年、自十一月疫死繁發、始自鎮西坂東、迨到京師、同三年七月以後、疫死漸

止、

〔日本紀略十條〕長保二年十二月、今年冬、疫死甚盛、自鎮西來京師、

〔權記〕長保三年三月廿八日庚子、此日千口僧於大極殿轉讀新寫金剛壽命經、爲攘疫疾、交死之怖、依

時定增壽命之誓也、予得分五卷之中、手自書寫一卷、

〔扶桑略記二十七條〕長保三年辛丑、春月、疫死甚盛、鎮西坂東七道諸國、入京洛疫癘殊甚、仍三月十八日

甲午、行幸大極殿、爲除疾疫、修大仁王會、同廿八日、請千僧於大極殿、令讀壽命經、五月九日京師

諸人、於紫野行御靈會、道路死骸、不知其數、天下男女、天亡過半、七月以後、疾疫漸止、

〔日本紀略十條〕長保三年三月十日壬午、於大極殿百座仁王講、仍天皇行幸八省院、依疾疫祈也、十

八日庚寅、仁王會竟、廿八日庚子、於大極殿請千口僧、讀壽命經、依天下疾疫也、四月十二日癸丑、